



UGOVOR o javnoj nabavci mjernih i regulaciono mjernih setova

KJKP Sarajevogas, Sarajevo, Ul. Trg Fadile Odžaković Žute br. 4, Sarajevo, BiH,
Koga zastupa: V.D. Direktor Preduzeća Samir Pajević, dipl.ing.maš. (u daljem tekstu: Kupac),

i

«Unis Fagas d.o.o.», Ul. Rajlovačka b.b., 71000 Sarajevo, BiH,
Koga zastupa: Direktor Alen Gradašćević, (u daljem tekstu: Prodavac),

Član 1.

Predmet ovog Ugovora je nabavka mjernih i regulaciono mjernih setova, po provedenom otvorenom postupku nabavke broj: **TD-05-06/20 – LOT-2**. Prodavac robe je dostavio ponudu prema specifikaciji Kupca broj SP-OJ04-TD-05-06/20-02, koja je priložena ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez PDV-a iznosi: **245.922,50 KM (slovima: dvijestotinečetredesetpethiljadadevetstotinadvaesetdvaistotina/100KM)**, a jedinične cijene su specificirane u prilogu ovog ugovora i čine njegov sastavni dio.

Član 3.

Prodavac će robu iz člana 1. isporučiti sukcesivno prema specifikaciji SP-OJ04-TD-05-06/20-02 nakon zaključenja ovog ugovora. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane.

Član 4.

Prodavac će obračun isporučene robe vršiti po jediničnim cijenama iz priloga ovom ugovoru. Kupac će plaćanje izvršiti **nakon 30 dana** po isporuci robe, a po prijemu uredno ispostavljene ispravne poreske fakture na transakcijski račun prodavca naveden na fakturi.

Član 5.

Obaveza prodavca mjernih i regulaciono mjernih setova je da prilikom isporuke opreme uz istu dostavi:

- Kompletnu atestno tehničku dokumentaciju (Certifikati, potvrde, deklaracije) za svaki konstruktivni dio ugrađen u RMS;
- Potvrdu o podešenim vrijednostima parametara regulacionih i sigurnosnih uređaja;
- Uputstvo o puštanju RMS u pogon;
- Uputstvo o održavanju RMS.

Član 6.

Obaveza prodavca robe je da u roku od **sedam (7) dana** računajući od dana potpisivanja ugovora, dostavi kupcu garanciju za dobro izvršenje posla po ovom ugovoru u iznosu od **10% od vrijednosti ugovora, odnosno u vrijednosti od 24.592,25 KM**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana.

Ukoliko prodavac robe obavi sve ugovorene poslove kvalitetno i u roku, kupac će u roku od petnaest (15) dana prodavcu roba vratiti pomenutu garanciju.

Ukoliko prodavac robe ne dostavi traženu garanciju po ovom ugovoru u zadanom roku iz stava 1. ovog člana, zaključeni ugovor će se smatrati apsolutno ništavim.

Član 7.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.



Član 8.

Za isporučene mjerne i regulaciono mjerne setove prodavac daje garanciju na ispravno funkcionisanje istih na period od 12 (slovima: dvanaest) mjeseci.

Član 9.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 10.

Prodavac je u obavezi da robe isporuči sukcesivno u roku od 10 dana nakon prijema narudžbe od strane kupca. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 11.

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 12.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 13.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 14.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 15.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 16.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:



Direktor Alen Gradašević

Broj ugovora, 19/20

Datum: 27.03.2020.



Za Kupca:


V.D. Direktor Preduzeća Samir Pajević, dipl.ing.maš.


Izvršni direktor Mr.Mehmed Mehović, dipl.oec.

Broj ugovora, 70/20






20-03-2020